

S 294.

1268

1部5

時方妙用下

時方妙用卷三

閩吳航陳念祖修園甫著

男

元豹道彪古愚
元犀道照靈石

全校字

血症

吐血
衄血

咳血
大便血

咯血
小便血

鼻衄
血淋

齒衄
血崩

經曰中焦受氣取汁變化而赤是謂血血之流溢半隨衝

任而行於經絡半散於脈外而充肌腠皮毛若外有所感

內有所傷則血不循經從上而湧則為吐血咳血咯血鼻

衄齒衄舌衄從下而走則為大便血溺血婦人血崩其源

則一或問諸書皆分別五臟六腑之血而施治茲何以能

時方妙用

卷三

血症

統言之余曰五臟有血六腑無血觀剖諸腎腹心下夾脊
包絡中多血肝內多血心脾肺腎中各有血六腑無血近
時以吐血多者謂吐胃血背耳食前醫之誤凡吐五臟血
必死若吐衄崩下皆是經絡散行之血也或問旣無分別
何金匱以瀉心湯治心氣不足爲吐衄乎曰百病不離於
五臟六腑臟腑病以致血不循經而爲吐衄崩下非吐衄
崩下之血從臟腑中脫出也循經之經字作常字解時醫
誤解謂歸脾湯引血歸脾脾能統血卽是歸經害人無算
余再爲之喝醒一語曰隨者仍其隨之常行者仍其行之

常散者仍其散之常充者仍其充之常血循經常之道路則無吐衄崩下之病矣千古無一人談及朱於高士宗引而不發處細繹思論大爲快事

身熱脈大者難治○身涼脈靜者易治○若喘咳急而上氣逆脈見弦緊細數有勢不得臥者死

一外感吐血先見頭痛惡寒發熱等症必取微汗則愈宜

香蘇飲加荆芥穗一錢丹皮白芍各一錢五分

五十五

一夏令秋令感暑氣燥氣而吐血方治見咳嗽門不贅

一內經云不遠熱則熱至血溢血泄之病生矣凡人不辨

暑熱及過食燻炙之物以致血熱妄行宜

四生丸

瘀血而吐必先胸痛血色必紫或黑而成塊脈必滯瀯

宜

四物湯加醋炒大黃桃仁丹皮香附各一錢五分○如

紫血盡鮮血見即用六君子湯加當歸調之

九出高鼓峯心法

一傷寒及溫病應發汗而不汗之內熱蓄血及鼻衄吐血

不盡內餘瘀血大便黑面黃宜

犀角地黄湯

九十

一高鼓峯心法於血症獨精其云除瘀血與傷寒外其餘俱屬七情餓飽勞力等因必見惡心驗症分明一味固元傷主之方用人參炙芪歸身甘草煨薑大棗白芍水煎服血症最繁以一方統治胡念齋深服之○胡念齋云補藥可用溫藥亦須急加附桂炮薑隨宜

一仁齋直指謂陽虛陰必走大吐大衄外有寒冷之狀可用理中湯加南木香或甘草乾薑湯其效更著又有飲食傷胃胃虛不能傳化其氣上逆亦能吐衄亦宜上二方○余用甘草乾薑湯其乾薑炮黑加五味子二錢甚

效從慎柔五書得來

內經云血氣者喜溫而惡寒寒則滯而不流溫則消而去之此數語爲治血之要旨所以楊仁齋高鼓峯方法神驗卽張景岳用熟地一兩澤瀉附子牛膝各一錢五分肉桂一錢炙甘草二錢水煎服名爲鎮陰煎方雖駁雜而溫藥較多亦能奏效

褚氏遺書云血雖陰類運之者其陽和乎陽和二字指心肺而言也心肺之陽宣布如日月一出燭火無光凡諸般邪熱之氣俱除血無所擾則循行常道矣運之者

三字更妙血不自運必藉氣以運之既已運隨衝任而
而行於經絡散於脈外充於皮毛有經常之道可行何
至妄行而爲失血之症耶諸家俱贊此二句之妙絕未
能發明其旨甚矣醫道之難也高鼓峯雖未能悟到此
旨而固元湯與之暗合慎柔和尚以保元陽爲主亦不
過取黃芪補氣以生血而亦與此旨暗合合之則效速
二公所以名燥一時也余於此千慮一得不敢自秘

保元湯

七
煨薑三片
慎柔方無肉桂有

當歸補血湯

六

一血症有不宜剛燥之劑者或血虛煩渴徐熱睡寤不寧
五心煩熱宜

聖愈湯八

舌上出血如孔鑽者煎香薷汁服外用槐花炒研摻蒲
黃炭亦可摻之○齒斷血出用生竹茹四兩醋浸一宿
含之○牙縫出血以紙維醮乾蟾酥少許於出血處按
之立止○滿口齒血出枸杞子爲末煎湯漱之然後吞
下根亦可○鼻衄用生茅花或根一兩煎服
已上症或統用

甘露飲

七和

滋腎丸

四九

一血淋尿血用苧麻根十枚水煎服又用海螵蛸乾地黃

赤茯苓各等分為末每服三錢以栢葉車前子煎湯下

又用亂髮燒灰入麝香少許用米醋溫湯調下如痛不

可忍以藕汁蘿蔔汁白蜜調下○又房勞兼小便尿血

宜鹿角膠半兩沒藥另研油頭髮繩各三錢為末茅根

汁打麪糊丸桐子大每服五十九鹽湯下

下血先便後血為遠血用灶中黃土八錢甘草生地白

時方妙用

卷之三 血症

五

米熟附子阿膠黃芩各一錢五分水煎服名黃土湯○
下血先血後便爲近血宜赤小豆三兩泡令出芽晒當
歸一兩共爲末以漿水服一錢五分日三服名赤小豆
當歸散○二方俱出金匱

大便下血不止諸藥不效者宜

濟生烏梅丸六十九

一 皮膚血汗宜郁李仁去皮研二錢以鵝梨汁調下又用
人中白焙乾入麝香少許溫酒調服立效又用六味地
黃湯加五味一錢麥門冬川續斷各二錢

諸竅出血宜頭髮敗宗陳蓮蓬各等分俱燒灰研每服

三錢木香湯下

一婦人血崩審其寒熱虛實照已上諸方擇用若脫血之頃不省人事大汗不止者宜參附湯貧者以當歸補血

湯加熟附子二三錢

一百零五

一大吐大衄大崩之頃血若稍止急用

獨參湯服後聽其熱睡切勿驚醒則陰血復生矣

癲狂癩

癲者痴呆之狀哭笑無時請言無序其人當靜狂者罵詈

時方妙用

癲狂癩

不避親疎其人當動癘者忽然猝倒無知口用流涎手足
抽掣或作五畜聲數刻卽愈愈後卽如平人作止有間斷
所以名癘也皆痰火爲病而癘病多由胎中受驚一觸而
發也治宜調中服補此瀉南不必過求奇險

脈實者吉 沉細者凶

一前症屬於實痰實火者宜

滾痰丸

六十三

一肝火之爲害非泛常之藥所可療時賢葉天上獨得其

秘急用

當歸蘆薈丸每服三十九一日兩三服不可遲疑敗事

九十

前症屬虛者宜

磁砂丸二十

二加龍骨湯加鉛丹二錢或再加阿膠三錢二十

此二方神妙非可以思議及者

一前症既愈即宜以和平之劑收功宜

硃砂安神丸二十

消渴

時方妙用

卷三 消渴

七

口渴不止爲上消治以人參白虎湯食人卽餓爲中消治以調胃承氣湯飲一溲一爲下消治以腎氣丸趙養葵大變其法謂治消無分上中下先以治腎爲急以六味九料一筋人肉桂一兩五味子一兩水煎六七碗恣意冷飲之熟睡而渴如失矣白虎承氣皆非所宜也

喻嘉言曰腎者胃之關也關門不開則水無輸泄而爲腫蒲關門不開則水無底止而爲消渴金匱腎氣丸蒸動精水上承君火而止其下人之陽光彼症取其開此症取其閣一開一閣具通天手眼子和詆之何其陋也又白茯苓

丸治腎消方用白茯苓覆盆子黃連括樓根萆薢人參熟地黃元參各一兩石斛蛇床子各七錢半雞脛胫三十具微炒共爲細末煉蜜和搗三五百杵丸如梧子大每服三十丸食前磁石湯送下喻嘉言治駱加犀角一兩又以六味丸加犀角收功○抄此與八味地黃丸一陰一陽相爲表裏皆爲神方 脈宜數大 忌虛小

傷食

傷食病必有胸悶吞酸噯腐腹脹腹痛等症直以平胃散如麥芽穀芽山查神麩蘿蔔子消之或以所傷之物燒灰

時方妙用

傷食

加人爲引導如初傷時食尙在膈服此湯以手探吐如傷
之已久腹滿拒按宜以三一承氣湯下之愈後服香砂六
君子湯加乾薑調養若無吞酸噯腐等症但見頭痛惡寒
發熱是外感症切不可誤用消導之品致外邪陷人變症
百出傷寒不禁食故桂枝湯啜粥是開胃第一義讀仲景
書自明西北之人一遇頭痛惡寒發熱之症便云有食卽
服神麴山查等藥徃徃誤事余爲活人計不得不大聲疾
呼也

脈滑而實 時書以右關之上爲氣口謂氣口緊盛傷

於食者妄也

張景岳云偶病之人多有非食而疑食者曰某日曾食某物或某肉某麪其日卽病醫理不論虛實但聞此言且見胃口不開必先治食夫未病之人誰有不食豈必預爲停食以待病至者斯可信其無食乎及其病也則或因勞倦或因風寒或因七情病發不測而且無脹無滯與食何干藥有對病而妄行剝削必反增病此斯道之莫須有也由

此推之則凡無據無證而妄行胡猜者皆其類也良可慨矣

黃履素著折肱漫錄云五穀皆養補脾氣之物一煨成炭反能

時方妙用

卷之三 傷食

九

消食者何蓋火能軟堅化物燼從火化故也諸炭能消食亦能傷脾功用不減於山查神麩不可忽之以爲食物而多服常服也

愚按今人用白朮炒焦不知其傷脾地黃燒灰不知其傷腎當以先生之言正之

癰疾

寒熱往來有定候。一日一發者邪淺。二日一發者邪深。三日一發者邪更深。先寒後熱者爲順。先熱後寒者爲逆。自子至午發者爲陽。自午至子發者爲陰。單寒無熱者名壯。

瘧爲純陰病。單熱無寒者爲瘧瘧。爲純陽病。瘧病因勞而發者名勞瘧。因食而發者名食瘧。更有鬼瘧。爲祟病瘧。瘧疾感嵐氣而成。種種不同。總以少陽一經爲主。以少陽居陰陽之界。偏陰則寒多。偏陽則熱多。陰陽俱病則寒熱等。單寒單熱爲陰陽偏造其極。卽崇瘧瘧瘧。亦陽氣之虛。正虛不能勝邪。內虛不能禦外。脾胃之陽虛。不能熟腐水穀。俱不離少陽一經。

瘧脈自弦

浮弦表邪
遲弦屬寒

沉弦裡邪
數弦痰飲

洪弦屬熱
實弦食積

久瘧之脈

漸緩則愈
叶散雙弦

弦緊則始
代散莫救

初起俱宜小柴胡湯一日一服五日必愈方中柴胡一味

少則用四錢多則用八錢切不可少此一味神農推為

上品久服延年益壽之藥自李東垣及李時珍之書行

此藥之真面目漸掩張景岳新造五柴胡飲為散劑更

屬無知妄作流毒非輕○凡初起無汗去人參加桂枝

三錢服後食熱粥溫覆微似汗則愈未愈再服之有利

無弊切勿惑於淺人之說○若發熱甚汗不出可加麻

黃三錢如病家惑於邪說牢不可破即以杏仁紫蘇防

風各三錢代麻黃服後溫覆微似汗不用食粥○上下
午瘧不必過分唯以寒多者屬陰盛加桂枝三錢生薑
宜信用之或再加吳萸三錢單寒無熱者亦用此法或
去黃芩再加熟附子三錢○熱多者屬陽盛加知母貝
母各三錢汗多而大熱大渴者加生石膏五錢麥冬三
錢粳米四錢單熱無寒者亦用此法或再加知母三錢
先熱後寒者名瘧瘧治同宜加桂枝二錢是從金匱白
虎加桂枝湯中做出○鬼瘧脈乍大乍小加藿香二錢
以香爲天地之正氣正能勝邪也天麻三錢以天麻之

形如魁竽。有二十四子。周環於外。其苗名赤箭。取弧矢以示威之義也。○瘴瘧加蒼朮藿香各二錢。○食瘧以平胃散採入柴胡一味爲君。融合二方爲一方。卽前人複方法也。○勞瘧是虛人不能耐勞而病瘧。宜小柴胡原方去半夏。加括樓根二錢。或佐以補中益氣湯。○一切瘧疾。口渴俱去半夏。加括樓根。以生津液。

凡一切瘧疾。欲急於取效。俟三發之後。以小柴胡湯加常山三錢。寅時服。渣再煎於辰時再服。如吐任其吐去痰涎自愈。○時醫惑於俗傳本草。謂常山是截瘧猛藥。邪

未盡而強截之。多變他病。此無稽之臆說也。益常山從陰出陽。為透邪外出之良藥。仲景用其苗。名為蜀漆。今人用其根。何嘗是強截之藥。

一久瘧不愈。及三陰瘧三日一發者。諸藥不效。惟以白朮一兩。或二兩。加生薑五七錢。水煎一杯。於寅時服之。渣再煎。於上午再服。如熱多者。以當歸一兩餘代白朮。

如脾虛兩虛。諸藥不效者。用近效白朮湯。一日兩服。服

到十日必愈。善成友人自安徽回。贈余醫書一帙。乃張

友於脾三陽之瘧。治膽三陰之瘧。治脾句。真是各言可。佩此君若得名師益友而講論之。將來為醫中一巨掌。

根未悟初病瘧世稱胎瘧纏綿難愈與痘疹之症本於
其人胎毒無異宜六君子湯加草菓烏梅或合小柴胡湯
一久瘧不愈不必治瘧只以六君子湯補中益氣湯兼吞
桂附八味丸調理半月無不痊愈今醫俱遵景岳法用
何人飲休瘧飲方中以何首烏一味爲主據云中和之
道其實苦瀋之品不能食入余屢見久服此藥多變出
腫脹等病學者不可不知

痢疾

下痢穢濁膠枯似膿似血小腹隱痛欲便不便裡急後重

是也舊說偏寒偏熱主補主攻皆不可拘執唯所列死證
數條緣時醫治不得法流連致死或過信前醫之說棄而
不治坐視其死余目擊心傷日夜焦心從內經仲景言外
之旨及散見於各條之下一一體認而參以所治之症入
有所悟藥到病瘳厥效彰彰可紀請見言救逆之道而次
及恒法

一醫書云脈沉小者易治脈浮大者難療又云發熱不
休者死此遵內經腸澼一論執一不通之過也余別有
所悟脈浮爲表邪浮而濼大是表邪浸於陽明之界而

下利仲景有葛根湯等治法發熱不休非感冒風寒卽是經絡不和當用桂枝湯當歸四逆湯祛風寒以調經絡人參敗毒散加老米名倉廩湯亦是此意但藥方輕薄不能速效耳大抵初病治法發熱惡寒者香蘇飲加防風川芎以取微汗則愈重必用桂枝湯當歸四逆湯之類若寒熱往來多嘔者必用小柴胡湯若熱多而口渴者小柴胡湯去半夏加括樓根至之若發熱不惡寒裡急後重者以葛根黃芩黃連甘草湯照古法先煎葛根後煎諸藥日服二三劑必愈若用痢門方如芍藥湯

之類其邪無不陷入變危者余深恨倪氏痢疾三方爲
殺人至具

一醫書云腹痛不休者死按其治決不過用木香檳榔砂
仁及消食行滯之品較能以救死症若果消渴口中熱
胸腹脹滿堅實而拒按爲實症三承氣湯可以擇用或
以三一承氣湯代之若果不渴口中和脈遲小而無力
或手足冷腹痛而喜按爲虛寒症非四逆湯不可若腹
痛而下痢重滯者再加生白芍三錢如腹痛不止虛煩
而喜按脈弦者爲肝邪尅土宜小建中湯服一時許卽

卷三
以小柴胡湯去黃芩加白芍藥繼之神效

一醫書云下痢純血者死下利如屋漏水者死按其治法不過用阿膠地榆槐花蒼朮之類安能以救死症如果下奔鮮血口渴便短裡急後重服盛者爲火症宜白頭翁湯一日二服虛人及產後加阿膠甘草亦有下鮮血而非火症者有血帶黯而成塊者屬熱者少屬寒者多俱以脈症細辨之若口中和脈細小便長手足冷者屬虛寒無疑宜以理中湯加炮心土八錢主之下血多者宜間服黃土湯一日二服三日漸愈蓋以脾胃如分金

之爐理中湯分其清濁是治其本源也屋漏水卽血水之黯滯不稠者爲虛寒症誤用寒涼攻破所致若見咽序語言無序半日必死亦用理中湯救之

一醫書云能食者輕不能者重絕食者死發嘔者死蓋不能食有食滯卽宜以平胃散加消導之藥若脾胃虛弱卽宜用香砂六君子湯及理中湯健脾以運胃又有辨於其微者不饑而不思食者是脾病宜以上二方饑而不能食者是肝病宜烏梅丸至於絕食頻嘔卽是噤口痢丹溪用人參石蓮肉黃連煎湯入生薑汁徐徐呷之

只認作濕熱上衝之症故不效宜參上諸法治之若食
入卽吐不利於香砂橘半者宜用乾薑黃連黃芩湯苦
辛以開拒格若胸滿而吐及乾嘔吐涎沫者宜吳茱萸
湯溫鎮以和土木其效如神○凡心下痞滿從仲景三
瀉心湯及厚朴生薑甘草半夏人參湯等擇用如神
一醫書云婦人新產卽發痢者死余放金匱白頭翁湯加
甘草阿膠之例可知產後宜照病用藥毫無顧忌又云
小兒出痘後卽發痢者死余以爲不盡然大抵產後失
於過溫致死痘後失於過寒致死俱因病而藥之不必

辨於一說

恒法

一痢疾無外症惡症但見裡急後重便膿血者三口內俱

宜

芍藥湯十六

一痢疾腹中撮痛或下血片及噤口惡痢諸藥不效者宜

斗門秘傳方十七

痢疾不論新久以陳米湯送下香蓮丸三錢一日三服

極驗至於久痢以四君子湯六君子湯補中益氣湯十

時方妙用

卷之三 痢疾

十六

全大補湯送下法本薛氏多效

久痢諸藥不效審其爲虛脫不禁無餘邪者宜

真人養臟湯

七十
五

久痢流連不愈愈而又作名爲休息痢是堵滯太早餘
邪未盡宜羊脂四錢白蠟三錢黃連末三錢白蜜八錢
烏梅肉炒研末二錢血餘灰三錢煎攪爲丸丸如桐子
大以米飲送下三十丸日三服此孫真人法也○又有
服補中益氣湯不應反下鮮紫血塊者此久風成殮泄
風氣通於肝肝傷不能藏血也宜玉屏風散去白朮倍

防風加羌活葛根升麻主之宜

玉屏風散

六十七

洞泄寒中注下水穀赤痢白痢食已即出食物不消宜者

聖濟附子丸 七十

時疫 修園新訂

程山齡云時疫之症須知有來路兩條法路五須何謂來路兩條疫有在天者在人者如春應溫而反寒腹應熱而反涼秋應涼而反熱冬應寒而反溫非其時而有其氣自人受之皆從經絡而入或為頭痛發熱咳嗽或頸腫發頤

大頭風之類斯在天之疫也若一人之病染及一室一室
之病染及一鄉以及闔邑病氣穢氣互相傳染其氣從口
鼻而入其見症增寒壯熱胸膈飽悶○吐黃涎乃在人之
疫以氣相感與天無涉所謂來路兩條者此也夫在天之
疫邪從經絡入寒多者治以辛溫宜五積散熱多者治以
辛涼宜九味羌活湯審其氣虛不能作汗者宜人參敗毒
散熱甚格邪不作汗者宜防風通聖散若發頤及大頭症
是風火相乘而爲毒宜防風通聖散加牛旁子金銀花桔
槳貝母瓜蒌仁之類俾邪從經絡入者仍從經絡出此以

發汗爲去路也在人之疫邪從口鼻入或香蘇飲加玉竹
川芎忽冬或神朮散加葛根葱頭或藿香正氣散之類俾
其從口鼻入者仍從口鼻出此以解穢爲去路也至於經
絡口鼻所受之邪傳於陽明之經則爲自汗大渴大熱斑
黃等症宜甘露飲生其津液以爲勝邪回生之本甚者必
用人參白虎湯以清陽明散漫之熱此以清火爲去路也
如入於胃腑則爲譫語發狂大便實小腹拒按等症宜三
一承氣湯下之或內有實熱外有實邪者宜防風通聖以
兩解此方疫症第一良方用之得法不論新久頭頭是道

此以攻下爲去路也復有虛人患疫或病久變虛或訣治
變虛須用四物湯四君子湯補中益氣湯等加減此以補
養托邪爲去路也要之疫症必從大汗而解人壯者不戰
而汗人虛者必戰慄而後大汗汗未徹者俟七日後而又
作汗已上五法該於發汗一法之中散邪是發汗正法而
穢濁之氣襲經絡不以辛香解之則汗不出火邪內燔血
乾津涸非清火則陰氣不滋而汗不出胃氣壅塞不攻其
實則濁氣不觸而汗不出汗由液化其出自陽其源自陰
非補養陰陽則氣血不充而汗不出此發汗一法爲治疫

大關頭有汗則生無汗則死若治之失法或涸其汗源或
強逼使汗皆枉其死也可不慎哉

未汗宜陽脈忌陰脈 已汗宜陰脈忌陽脈

避疫法

避疫之法惟在節慾節勞仍勿忍飢以受其氣○膽爲中
正之官膽氣壯則十一經之氣賴以俱壯邪不能入○醫
統云男人病邪氣出於口女人病邪氣出於前陰其對坐
之間必須識其向背或以雄黃塗鼻孔中從容察位而人

暑症

潔古謂動而得之爲中熱靜而得之謂中暑暑陰而洗陽
未免稱名不正蓋夏日炎炎人觸之則生暑病卽爲中熱
無非動以得之他若畏熱求涼涼襲於外則爲發熱惡寒
頭痛項強等症宜九味羌活湯以散之涼中於中則爲吐
瀉腸痛宜理中湯以溫之若兼煩燥則間用涼水調下大
順散病雖作於暑月不得以暑病名之也大抵暑症辨法
以口渴煩心溺赤身熱脈洪而虛爲的輕者爲傷以去一
散蕩滌熱氣從小便而泄若暑熱閉鬱而無汗必用香薷
飲發越陽氣徹上徹下解表兼利小便則愈重者爲中大

渴大汗宜白虎加人參湯主之或汗出身熱而兩足冷者
是暑而挾濕宜白虎加蒼朮湯主之若中暑昏悶不醒並
伏暑停食吐瀉用半夏四兩醋炒茯苓甘草各二兩共爲
末以生薑汁爲丸如菜豆大每服五六十丸開水送下若
昏憒不醒者研碎灌之立甦此孫真人之神方也各消暑
丸爲暑

症第一
神方

至於生脈散清暑益氣湯爲暑傷元氣而立或預

服以却暑或病愈後以收功非暑病正方也

六一散

五十

香薷飲

四十

清暑益氣湯

九十

生脈散

七

濕病

時方妙用

卷之三 濕病

三

濕有從外人者有自內得者陰雨濕地皆從外人其症頭
重腰冷一身盡重冷漿瓜果皆自內得其症泄瀉腹脹腸
有水氣淋濁痰飲然外濕亦可漸入於內內濕亦有浸漬
於外失此不治則鬱而爲熱變症多端不可不察

濕脈多緩

是怠緩非和緩

浮大者易治

沉細小者難醫

一內外濕總方宜

二陳湯加蒼朮白朮羌活三之○外濕加紫蘇防風猪
苓澤瀉乾葛木瓜主之○內濕加木通澤瀉砂仁木香
食積加山查麥芽枳實寒濕加乾薑濕熱加黃連黃芩

熱輕者只用連翹○檳榔時嚼亦妙

八十

受濕腰痛其痛冷重沉着如帶五千錢宜腎着湯

八十

白濁不止為濕熱下注婦人白帶亦然宜葶藶分清飲

○如婦人白帶加半夏芡苡仁黃柏生白朮主之

八十

一傷濕一身盡痛不可轉動宜

一味白朮酒

八十

一蒼朮多脂易蠲而治濕與蠮螋死於風而治風驢皮動

火製成阿膠而降火俱是造物妙處即大易所謂同氣

相求內經所謂衰之以其屬是也蓋濕邪在人腸胃原

自不安一得蒼朮氣味便與之合一氣從汗出味隨水
穀下行先誘之而後攻之也

頭痛

大抵暫痛爲邪久痛爲虛邪則分寒熱而除之虛則審陰
陽而補之然亦有久痛爲邪所纏新痛因虛而發者當因
脈證而辨之

脈浮滑者生 短瀋者死

一傷寒六經俱有頭痛太陽痛在腦後必連項強宜九味

羌活湯加葱白三根○陽明痛在額前必連目眦宜升

麻葛根湯○少陽痛在側必兼兩脇痛多唾宜逍遙散
去白朮加半夏黃芩川芎○太陰無頭痛然濕土動而
生痰亦爲頭痛宜二陳湯加製南星蒼朮川芎○少陰
頭痛脈細俱欲寐宜五積散加細辛附子○厥陰頭痛
如破乾嘔吐涎沫宜吳茱萸二錢人參一錢五分生薑
四錢大棗四枚水煎服名吳茱萸湯

一火邪頭痛火盛者宜竹葉石膏湯加減方見傷寒如火
勢輕者只用辛涼之品火鬱發之之義也宜

加味逍遙散加葛根二錢酒炒黃柏一錢薄荷五分

八四半

一氣實有痰或頭重眩暈用大黃酒炒黃芩黃連川芎防

風製南星之類偏在左者宜當歸二兩川芎白芍白芷

柴胡防風之類八十二 葉下管 風式 畏寒 收入

氣虛頭痛宜

補中益氣湯少加川芎蔓荊子之類五

一血虛頭痛宜

四物湯倍川芎加黃柏知母少加蔓荊子細辛之類九

當歸補血湯加鹿茸五錢水酒各半煎六

一冒稜角痛宜半夏六錢生薑三片水煎調沉香末五分服

一真頭痛痛甚腦盡痛手足寒至節不治然不忍坐視其
死急灸百會吞

黑錫丹 三十

一腎虛頭痛諸藥不效宜

六味湯去丹澤加枸杞三錢炙甘草細辛各一錢川芎
二錢肉蓯蓉三錢五分○如命門火虛者用八味湯加
減如上法門十四

一蒸法最效方用川芎半兩炒香沙二兩炒僵蚕如患者年
歲之數以水五碗煎至三碗就砂鍋中以厚紙糊滿中

開開錢大一孔取藥氣薰蒸痛處每日一次雖年久者
三五次永不復發

癰癤

晉明子曰癰癤者肝病也肝主筋肝經血燥有火則筋急
而生癰癤多生於耳前後者膽之_部位膽與肝相表裏其
初起卽宜消癰丸消散之不可用刀針及敷潰爛之藥若
病久已經潰爛者外貼普救萬全膏內服消癰丸並道造
散自無不愈更宜戒惱怒斷煎炒及發氣閉氣諸物免致
膿水淋漓漸成虛損患此者可毋戒歟

採精消癭丸

此方奇效治愈者不可勝計子亦刻方普

送矣

元參蒸牡蠣煨醋淬貝母去心蒸
各四兩

共為末煉蜜為丸每服三錢開水下日一服

愚按普明著醫學心悟一書逐末忘本用之鮮效唯此

方平淡而神奇當共寶之但耳前後為少陽部位渠云

部位者誤也

故改正之

眩暈

內經云上虛則眩又云腎虛則高搖髓海不足則腦轉耳

特方妙用

眩暈

三

鳴皆指不足而言仲景論眩以痰飲爲先丹溪宗河間之說亦謂無痰不眩無火不暈旨指有餘而言前聖後賢何其相反至此不知此症不離於肝經云諸風掉眩皆屬於肝此風非外來之風指厥陰風木而言厥陰風木與少陽相火同居厥陰氣逆則風生而火發故河間以風火立論也風生必挾木勢而尅土土病則聚液而成痰故仲景以痰飲立論丹溪以痰火立論也然一身聚邪之處卽爲偏虛之處頭爲諸陽之會相火得以逆行上僭者非上焦之虛而何腎爲肝母腎主藏精精虛則髓海空而頭重故內

經以土虛及腎虛髓海不足立論也言虛者言其病根言實者言其病象其實一以貫之也

脈數熱多

脈瀹血少

弦為肝風

滑實痰賁

虛小氣虛

大為病進

一眩暈脈弦發熱或寒熱往來宜

逍遙散加半夏天麻鈎藤主之

四十

一眩暈脈數或滑實大小便閉胸脇作痛耳聾耳鳴多怒

凡屬肝經實火宜

當歸蘆薈丸○此法從喻嘉言寓意草醫吳漆宮之甘

案得來

眩暈脈瀯治精氣不足欲榮其上必灌耳根宜

六味地黃湯倍地黃去丹皮澤瀉加細辛炙甘草各一錢川芎二錢枸杞子三錢肉蓯蓉三錢半水煎服四脈虛細弱小是氣虛宜

補中益氣湯加天麻半夏鈎藤五

一脈弦而滑眩暈而嘔逆爲痰飲宜澤瀉四錢白朮二錢水煎服或用二承湯加天麻合此二味

一實火眩暈不可當宜大黃酒炒三遍研末末調下三錢

一虛眩諸藥不效宜鹿茸五錢酒煎去滓入麝香少許服
緣鹿茸生於頭以類相從也

一眩暈大虛諸藥不效及虛人愈後調理俱宜正元丹十二

桂附八味丸

五十

眼目

眼目二症古有五輪八廓灰七十二症之辨其實不足憑
也未是科者庸妄回無論已而高明之士於實症則曰風
曰火於虛症則曰肝血少曰腎水衰言之親切有味而施
治則毫無少效且以增病余歷數交遊凡目痛者無不因

醫而致瞽卽有一二倖免者原爲輕淺之病卽不服藥亦
愈於醫固無與也蓋此症除風火赤腫外障等症外而一
切目視無光及昏黑倦視等症皆爲陽虛心肺爲上焦之
陽心屬火火能燭物肺屬金金能鑑物二臟之陽不宣則
火不能燭金不能鑑矣醫者不知以補血之藥滋肝以補
水之藥滋腎下焦之陰愈盛則上焦之陽愈虛且令下焦
陰氣上加於天白晝如夜燭火有光陰雲四合龍雷飛騰
原欲滋陰以降火其實滋陰以助火火盛則遂增出赤腫
紅絲努肉羞明諸火象漸成廢疾矣予非耑業此道不敢

多言請向醫者而詢其所服何藥所點何藥便得前車之
鑒今於眼科所未載外搜出數方以救逐流之弊

四君子湯

加肉桂蒼川椒
絲為丸治虛寒症

豆腐一塊

中乾一盞人
朴硝一二錢

仍用豆腐蓋上蒸出水即以
以此水洗目效治實熱症

桂附地黃丸

十五當歸補血湯加鹿茸三錢六磁珠丸十二

六還少丹以菊花湯送下

六寸

一切起翳障不可遠用點藥及一切洗藥蓋目不染塵藥

汁入日亦見羞澁唯用潔淨開水以潔淨茶盞盛之用

潔淨本色絹片乘熱淋洗洗後水混濁換水再洗洗至

至清無垢方止如此數次卽愈水內並不用藥名天然
水水必煎沸者以熱能散風水能制火也

耳聾

腎開竅於耳固也而腎脈却不能上頭腎與心交假道於
心之腑以上耳中之穴口聽官小腸之經脈貫之爲司聽
之神所居之位其形如珠皮膜包裹真水若真水破而耳
立聾有爲大聲所振而聾者皮膜破也或聾或不聾者心
腎不交也宜磁珠丸交媾水火有先耳鳴而後聾者腎虛
不能開藏陰氣竄寒於陽竅也宜六味丸去丹皮重加磁

石再加五味子龜板膠爲丸令陰氣自盛於本宮不觸於陽竅若感冒暴聾總不外少陽一經足少陽膽脈遶耳輪手少陽三焦脈入於耳邪氣壅實聽官爲其所掩宜逍遙散去白朮加黃芩半夏生薑玉竹大棗王之如風火交煽宜防風通聖散肝火熾盛宜蘆薈當歸丸尺脈弱者宜桂附地黃丸尺脈數者宜大補陰丸二丸俱加磁石菖蒲菴蓉之類神而明之存乎其人非可以筆楮傳者

浮大爲風 洪數爲火 洪大而實爲風火 尺數爲

陰火 遲濡爲腎虛

疝氣

疝者小腹睪丸爲腫爲痛是也其名有七曰寒疝囊冷結
硬如石陰莖不舉或控睪丸而痛曰水疝腎囊腫痛陰汗
或出或腫狀如水晶或囊痒而外出黃水曰筋疝陰莖腫
脹或潰或膿或裏急筋縮或出白物曰血疝狀如黃瓜或
小腹兩旁橫骨兩端約中俗云便癰曰氣疝上連腎區下
及陰囊或因號哭忿怒則脹罷則氣散曰狐疝臥則入小
腹行立則出小腹曰癰疝陰囊腫繼如升如斗不痒不痛
然亦不必拘者經云任脈爲病男子內結疝女子帶下

痲聚又曰足厥陰肝病丈夫癩疝婦人少腹腫大抵任病
肝病居多小腸疝亦多各經亦間有之治之之法統以二
陳湯加澤瀉猪苓白朮桂枝小茴香木通金鈴子至之余
少時初用疑爲偶效後屢試屢驗方知其調氣之功甚鉅
張景岳先得我心景岳云病名疝氣非無謂也蓋寒有寒
氣熱有熱氣濕有濕氣逆有逆氣陷有陷氣在陽分則有
氣中之氣在陰分則有血中之氣從寒熱虛實施治俱當
兼用氣藥余此方化膀胱之氣而諸氣俱調其義詳於脹
症宜參究之

本脈牢急 弱急不宜

二陳湯加味外○若寒甚者再加乾薑附子○若熱急者加黃柏知母○小便如膏者加石菖蒲葶藶○氣上衝去白朮加肉桂吳茱萸當歸○囊腫如水晶者加苡仁桑皮○痛不可忍者恐瘀血爲膿致潰加桃仁紅花乳香○筋縮者加苡仁一兩木瓜二錢○頑麻不痛者加川芎檳榔○痒者加刺蒺藜三錢

千金翼洗方 治丈夫陰腫如斗核中痛

雄黃末

一兩

礬石

二兩

甘草

七錢

水五碗煎二碗洗

又於關元兩旁相去各三寸青脈上灸七狀卽愈左灸左

右灸右

又灸外陵穴在臍左右各開一寸半灸卽立效永不再發

痿症

痿者兩足痿弱不能行也痿而不痛治宜獨取陽明陽明爲五

臟六腑之海主潤宗筋宗筋主束骨而利機關若陽明虛

不能受水穀之氣而布化則五臟無所稟宗筋無所養而

痿躄作矣若用辛熱風藥及蒸灸等法立危

脈浮數可治

虛弱難醫

時方妙用

痿症

三

痿症皆屬於熱宜

虎潛丸

二八

陽明爲諸筋總會故取虎潛丸爲主而足所以能健步者則在於骨三因方又取加減四筋丸爲主以腎爲筋骨之總司也方用肉蓯蓉牛膝木瓜鹿茸熟地五味子兔絲子各等分爲末煉蜜丸桐子大每服一十九丸溫酒米飲下

痿症服前丸若氣虛多痰者間服六君子湯加黃栢

蒼朮紫苑神農本草經云紫苑主痿躄今人不讀經只

知爲治咳也

一瘦黑人血虛多火宜開服

六味丸加黃栢蒼朮

十四

一肥白人痰多氣虛宜開服

當歸補血湯加竹瀝薑汁

泄瀉

難經有五泄之分曰胃泄脾泄大腸泄小腸泄大瘕泄

痢

疾

其實不必泥也總以虛實久暫爲辨

脈小手足寒難已

脈小手足溫易已

泄而脫血難治

泄而脈大難治

一內經云濕勝則濡泄此爲瀉病之總論宜平胃散加茯苓

時方妙用

卷三二 泄瀉

三

芥猪苓澤瀉白朮桂枝名胃芥湯統治諸瀉如神

口中熱溺赤下瀉腸垢爲濕熱去桂枝加防風黃連一

錢○瀉青口中和下利清穀爲濕寒加乾薑二錢○胸

滿痞悶愛噦吞酸瀉下臭穢爲食積加山查麥芽○食

少便頻面色眊曰爲脾虛去厚朴加人參乾薑○五更

天明依時作瀉或臍下痛爲腎虛去陳皮厚朴加補骨

脂三錢吳茱萸五味子熟附子各一錢

忽然大瀉不止大汗大喘手足厥冷兼吐名須防脾腎

之氣暴脫夏月伏陰在內最多此症若服藿香香薷必

死急用附子理中湯大劑

一內經云諸病暴注皆屬於熱然必有熱症熱脈可憑不

可以涼藥姑試宜

香蓮丸

八十九

六一散

五十一

一內經云清氣在下則生飧泄須用升清法宜

補中益氣湯去當歸加木香乾葛

五分

一內經云春傷於風夏生飧泄又云久風生飧泄宜

神朮湯

七十八

聖濟附子丸

七十一

一久瀉愈而又作瀉時服痛諸藥不效此錮冷在腸間必

先取去然後調治宜

平胃散去蒼朮加乾薑肉桂附子各一錢半大黃八分

水煎服法本千金八或用十

溫脾湯五十

久瀉諸藥不效有臟熱腸寒臟寒腸熱之辨微乎微乎

余詳於從眾錄等書茲用仲景烏梅丸每服二錢米飲

下日三服半月餘又冬瀉有用肉苁蓉鹿角霜當歸續

等法有用芩連甘草葛根等法有用阿膠羊脂乳酥黃

連末蜂蜜熬膏等法此理更微可以心會不可以言傳

喻嘉言頗得其秘

一五更泄名脾腎瀉及虛人時常作瀉必以溫補腎元爲

主宜

回神丸加白朮人參乾薑附子茯苓瞿粟殼煉蜜丸朝

服三錢臨睡服五錢米飲送下

七十

時方妙用卷之三

終

時方妙用

卷三 泄瀉

三

一 正 善 國 興

卷三

時方妙用卷四

閩吳航陳念祖修園甫著

男元豹道彪古愚全校字
元犀道照靈石

鶴膝風

脛細而膝腫是也為風寒濕三氣合痺于膝而成初起發熱頭痛宜五積散痢後變成者亦宜之若久病為足三陰虎宜十全大補湯加附子牛膝杜仲防風羌活主之又治初起外法用陳年白芥子研末以薑汁葱汁調塗一伏時患處起泡泡乾脫皮自愈

五積散

四十一十全大補湯

又按鶴膝風多是虛寒脚氣多是濕熱一攻一補治法各
判然脚氣有腎虛氣喘小腹痺者腎氣丸必不可後鶴膝
風有赤熱焮腫者二妙散桂枝芍藥知母湯亦不可不備此
活法也

脚氣

脚之腫大是也東垣云南方卑濕其濕從外以襲入北方
常食糟乳又飲酒太過脾胃有傷不能運化其濕從中以
流下初起發熱惡寒似傷寒症若上氣喘急及上少腹不

仁恐致攻心不救若患久不治卽成痼矣此症名壅疾不可驟補

一腳氣腫痛不可忍宜

雞鳴散

一百零八

脚氣氣喘少腹不仁須防其入心宜後方脚氣服雞鳴散愈後亦宜之用

桂附地黃丸

五十

一兩脛大爲濕脚氣兩脛不腫或頑麻或攣急或緩縱名

乾脚氣宜

四物湯加牛膝獨活蒼朮黃柏木瓜澤瀉肉桂之類九

積聚

積者五臟所生推之不移屬陰聚者六腑所成推之則移屬陽當辨其新久虛實而施治內經云大積大聚不可犯也良其大半而止過則死此治積聚之法也

脈宜沉實 忌虛弱

一積聚新病審其可用發散者宜用

五積散

四十一

一積聚新病審其可用消導攻下者宜用

傷急丸五十

平胃散加入扁蓄瞿麥炒大麥芽川芎以上八味各用
五錢沉香木香各一錢五分大黃酒浸二兩共爲細末
每服三錢薑湯送下忌油膩動氣之物及房事一月藥
須黃昏服勿食晚飯大小便見惡物爲度以○肝之積
在左脇下名曰肥氣去蒼朮加柴胡鱉甲青皮莪朮○
肺之積在右脇下名曰息賁加白豆蔻桑白皮鬱金○
心之積起臍上上至心下大如臂名曰伏梁去蒼朮加
肉桂黃連石菖蒲莪朮○脾之積在胃脘腹大如盤名

曰痞氣原方不加減○腎之積在臍下發於小腹上衝
心而痛名曰奔豚上方去蒼朮大黃陳皮麥芽扁蓄加
茯苓四兩肉桂附子當歸吳茱萸各五錢川練子李根
白皮合一兩淡鹽湯送下或煉蜜爲小丸吞下四錢更
○凡熱積加黃連黃芩寒積加薑桂附子酒積加葛根
痰積加半夏水積加桑白反赤小豆血積加桃仁紅花
因積加阿魏山查果積加麝香草菓

一久病及虛弱之人不可逕用前藥或先服補藥然後攻
之或攻藥去病之半而卽補之或服攻藥三日服補藥

一口神而明之存乎其人若愈後必以補藥收功宜

六君子湯一

查砂六君子湯三

附子理中湯一百零七

已上三方唯臍下動氣去白朮加

肉桂一錢五分

服攻藥大下積血自汗不止氣弱不能轉動者宜急進

參附湯若貧者以當歸補血湯加附子三錢代之一百零五

嘔吐穢呃

聲與物俱出為嘔有物無聲為吐有聲無物為噦氣自臍

時方妙用

嘔吐穢呃

下衝逆有聲聲短而頻古人名噦又名欬逆爲呃方書命
名各異今從俗本分名使人易曉

脈陽緊陰數爲吐

陽浮而數亦吐

寸緊尺瀋胸背

而吐

寸口脈數者吐緊而瀋者難治

緊而滑者吐

逆脈弱而嘔小便復利身有微熱見厥者難治

吐出

色如青莢者危

上四症皆屬氣逆有統治之法宜

二陳湯隨症加減

八十一

如爲寒氣所客服遲畏寒加砂仁藿香乾薑○如乾嘔

吐涎沫加人參一錢吳茱萸二錢大棗二枚倍半夏○
如食不得入爲火阻於上加黃連黃芩人參○如爲飲
食所傷吞酸噯腐加蒼朮藿香砂仁麥芽山查○如有
聲無物如以生竹茹二錢人參一錢旋覆花三錢代赭
石一錢五分大棗二粒如吐酸水加吳茱萸一錢黃連
五分○如脾胃虛弱運化遲而嘔吐者加人參白朮砂
仁木香○如食已卽吐是胃中有熱食入則兩熱相衝
不得停留而吐若大便秘結可加大黃三錢○若寒熱
往來脇痛而嘔者爲少陽症加人參黃芩各一錢柴胡

三錢大棗二粒○如驟然發呃者爲胃火上衝加麥芽
石斛麥冬枇杷葉竹茹扁豆各二錢○久病發呃有脾
虛腎虛之分脾虛者加參朮丁香柿蒂腎虛者加參附
乾薑沉香巴戟天此症多死○如吐蟲者去甘草加川
椒人參吳茱萸黃連川練子烏梅三粒粳米一百粒

五淋 癃閉

淋病小便滴瀝澁痛欲去不去欲止不止是也古人分爲
五種石淋下如沙石膏淋下如膏脂勞淋從勞役而得氣
氣淋氣滯不通臍下悶痛血淋瘀血停蓄莖中割痛皆爲

熱結膀胱所致而治者却不重在膀胱而重在三焦經云
膀胱者州都之官津液藏焉氣化則能出矣又云三焦者
決瀆之官水道出焉此數語數百年來註家俱誤不知津
液爲汗之源膀胱氣化則能出汗故仲景發汗法必取之
太陽也水道爲行水之道三焦得職則小水通調須知外
出爲膀胱之津液不出爲三焦之水道也又有清心之法
以心與小腸相表裏也又有清肝之法以肝主疎泄也又
有補腎之法以腎爲司水之臟也治三焦與膀胱之正法
則用五淋散清心滋腎則用導赤散清肝則用龍膽瀉肝

湯之類至於癰閉症小便點滴不通甚則脹悶欲死其病

源亦同前症而治法更進一步有用八味丸估桂附蒸動

腎氣以開開者有用滋腎丸滋陰以化陽者有用補中益

氣湯服後以手探吐者如滴水之器開其上竅而倒懸之點滴不能下也去其上閉則下竅

通有用五淋散加入麻黃杏仁以取微汗麻黃力猛能通陽氣于至陰之

地下肺氣主皮毛配杏仁以降氣下達州都導水必高原之義也有用人參麻黃各一兩

水煎服者夏月用麻黃有用紫蘇防風杏仁各三錢

水煎服溫覆取微汗者有用白菊花根搗爛以生白酒衝

和取汁溫飲者有用水母四兩蒴藋十四粒水煎服者有

用皂角葱頭王不留行各數兩煎湯一盃今病者坐浸其中薰洗小腹下體久之熱氣內達壅滯自開而便通者務宜審其脈症而施治不可執一

脈宜浮大 忌細小

五淋散

五十通治五淋癰閉

加減法

氣淋加荆芥香附生麥芽○血淋加牛膝桃

仁紅花生地入麝香少許○右淋送下六一散三錢○

膏淋合葶藶分清飲○勞淋合補中益氣湯○如過服

金石藥與老人陽已痿思色以降其精致精內敗而為

淋加萆薢石菖蒲兎絲子以導之

六一散五十二石淋

萆薢分清飲八十三膏淋

導赤散四十九赤淋

龍膽瀉肝湯九十七莖腫莖中痛甚宜之

補中益氣湯五氣淋

六味丸十四水虛

八味丸十五冷淋

濟生腎氣丸一百零二扶陽以化陰

滋腎丸九十四滋陰以化陽

四生丸一百血淋

百合湯九十三氣淋

續論

三焦包羅臟腑主氣而即至水水由氣化也故曰決瀆之官水

道出焉上焦如霧氣中有水也下焦如瀆水中有氣也

中焦如漚氣水相函於其中也凡水道不通溢於外而

為腫積於中而為脹滿於肺為咳嘔流於腸為泄瀉宜
專責之三焦與他臟無涉時醫治他臟而倖效不可按
專以為例

遺精

夢而遺者相火之熾也宜封髓丹無夢而遺者心腎之虛
也宜金鎖固精丸然肝主疎泄肝火大盛宜暫用龍膽瀉
肝湯肝魂不守宜多服二加龍骨湯肝熱膽寒宜溫膽湯
加人參茯苓神棗仁蓮肉精之蓄泄無非聽命于心威喜丸
平淡而神奇四君子湯加遠志亦補養得法徒用補腎及

時方妙用

遺精

固澁之藥無益也然此症必須清心寡慾靜養年餘方效

藥石原不足賴

時賢沈錄芋云心藏神肝藏魂腎藏精夢中所主之心卽
心之神也夢中所見之形卽肝之魂也夢中所洩之精卽
腎之精也要之心爲君肝腎爲相未有君火動而相火不
隨之者當先治其心而後及其餘宜黃連清心飲方用黃
連生地甘草當歸人參茯神棗仁遠志連子按錄芋著有
沈氏尊生一書大抵皆見病治病不脫江蘊氣習此一條
用藥雖庸而立論頗超故節錄之

訣云遺精白濁 當驗於尺 結扎動緊 二症之的

上傳云兩尺洪數必便濁遺精

赤白濁

濁者小水不清也方書皆責之腎今則求之於脾脾土之濕熱下注則為濁病濕勝於熱則白熱勝於濕則赤治之之法不外導其濕熱濕熱去則濁者清矣

醫鑑曰淋濁之病細數何故少陰微者氣閉膀胱女人見之陰中生陽脈實身愈細澁則亡

一濁病初起宜導其濕熱宜

時方妙用

卷四

赤白濁

九

一 陳湯加蒼朮白朮黃柏草薢至之如赤濁加丹參

一 濁病稍久當固其精道利其水治宜
草薢分清飲

一 內經云中氣虛而濁爲之變與濁症不同宜

一 四君子湯一補中益氣湯

一 命門火衰氣不攝精每致敗以爲精宜桂附八味丸加
兔絲子車前子以導敗精

一 濁出精竅與淋出溺竅者不同病之稍久宜固腎不宜

利水此要旨也

目汗盜汗

傷寒門以自汗為傷風盜汗為少陽症其餘雜病自汗為陽虛盜汗為陰虛然陰陽互為其根自汗亦有陰虛者盜汗亦陽虛者宜辨而治之

一陽虛自汗其人常畏寒宜

參附湯

一百零五

朮附湯

一百零五

芪附湯

一百零五

一陰虛盜汗其人常發熱宜

當歸六黃湯

六

陰陽兩虛自汗盜汗怔忡不眠煩燥等症宜

歸脾湯加麥冬五味二十

人參養榮湯一

一自汗發熱為前此傷風醫不得法所致宜

玉屏風散八

怔忡驚悸不眠建忘症治同

高鼓峯曰怔忡血少也其原干腎水不足不能上升以致

心火不能下降大劑歸脾湯去木香加麥冬五味枸杞吞

郁氣丸如怔忡而實挾包絡一種有餘之火兼者則加

生地黃蓮川貝之類以清之

按一症之治只此數語緣讀書臨症之多故能片言居
要而胡念齋又補出胃絡不能上通症脾脈不能入心
症宗氣虛而虛里穴動症水氣凌心症奔豚上乘症治
法不甚相遠唯水氣與奔豚當另法治之愚謂水氣凌
心輕則用小半夏湯倍加茯苓以泄之重則用茯苓桂
枝甘草大棗湯以安之再重則用真武湯以鎮之○奔
豚則用桂枝湯加桂以泄之或黑錫丹以鎮之或用茯
苓桂枝甘草大棗湯以緩之金匱奔豚湯亦有意義烏
梅丸亦可借用

六味地黃丸加五味子名都氣丸

婦人科

婦人之病與男子同唯經帶胎前產後另有方法

一 姪婦患傷寒雜病俱以四物湯爲主無汗加麻黃細辛
有汗加桂甘草寒熱往來加柴胡黃芩鼻乾不眠加升
麻葛根大黃芒硝乾薑附子俱可隨症加入古人六合
四物湯論之詳矣

一 婦人有胎恐服藥有碍灶土黃土研末以水和塗於心
下及臍下乾則易之

一受胎二三月必嘔惡心以泔水不通陽明之氣壅盛上
僭至四五月自愈如病甚用六君子湯加砂仁以和之
方中半夏得參朮能安胎健胃不必顧忌

一胎前下血名曰胎漏氣虛不攝血也多服補中益氣湯
如因惱怒傷肝者宜加味逍遙散加生地

一胎動不安血不養胎也宜四物湯去川芎加白朮杜仲
若有火者再加黃芩如腹時痛多寒者加川椒此一味
令人罕用金匱用以養胎

一墮胎症屢患者必應期而墮總屬氣血太虛余昔惑於

丹溪之說以黃芩白朮爲安胎聖藥內子患此四年中
連服五次皆墮後有老醫用四物湯加真鹿膠補骨脂
兔絲子杜仲川續斷而安余始悟命門爲人立命之本
女以繫胞必用溫藥熱藥始效

趙氏醫費用六味八味加艾葉阿膠丸每灼見如不受
溫藥峻劑者以杜仲八兩糯米湯泡炒勿焦取粉真桑
上寄生人參五味子各四兩爲末以黃芪一筋白朮大
棗各六兩煮膏爲丸米湯送下四錢一日兩服神效

一子腫宜五皮散加白朮子嗽宜二陳湯加阿膠麥冬桑

白皮五味子乾薑細辛子懸宜四物湯去川芎加黃芩
白朮甘草子瀉宜補中益氣湯四君子湯加黃芩砂仁
一臨產交骨不開宜四物去芍地加髮炭三錢龜板五錢
水煎服如血水大下而不產者是血乾而胎滯氣虛推
送無力宜當歸補血湯加人參肉桂各一錢甚者六桂
加附子三錢此法時醫不講

一產後血暈用醋炭薰鼻老酒和童便飲之不可放倒如
氣血脫而暈者必昏口手足厥冷以當歸補血湯加參
附乾薑以回其陽甚者必用通脈四逆湯如認作血暈

治之則死矣

一胎衣不下用歸身五錢川芎三錢水煎服或血入衣中
脹而不下宜清酒送下失笑散

一產後發熱有外感者照常法治之如無外感用當歸補
血湯

一血塊痛宜四物倍當歸去地黃加牛膝桃仁肉桂青皮
醋炒大黃下之

一產後泄瀉不可利水只用補中益氣湯加減

一產後大便不通宜八珍湯加桃仁杏仁

一子宮下墜乃勞力所傷也宜補中益氣湯加附子王門
不閉治同

一產後瘀血不行腹痛者宜當歸四錢川芎二錢炮薑各
草各一錢桃仁七枚各生化湯酒水各半煎

一產後感風成瘧口禁角弓反張無汗者名剛莖宜荆芥
穗一兩以童便煎灌之或桂枝湯加葛根三錢有汗爲
柔莖宜桂枝加括樓根三錢二莖屬虛者以十全大補
湯加柴胡鈞藤括樓竹瀝薑汁如汗多加附子

一產後喘促口鼻起黑氣爲瘀血入肺治或用人參一

兩蘇木三錢水煎頓服若厥冷自汗必用通脈四逆湯
進二三劑厥回脈服可治

婦人雜病

一經水不調屬虛者乃衝任之血不足宜服歸脾湯二十
劑再以海螵蛸四兩茜草一兩以雀卵爲小丸空心以
鮑魚汁送下一錢五分或無雀卵以雞肝代之當歸湯
下亦可

一經水不調屬實者自有實症實脈可驗宜四物湯加醋
炒大黃香附桃仁丹皮青皮紅花之類

一經水不調因鬱而致者宜加味道遙散

一婦人肥而不妊乃子宮脂滿宜四物湯去地黃加香附
半夏貝母以益母膏爲丸如瘦而不妊者乃氣血兩虛
宜八珍湯加兔絲子川椒鹿茸杜仲爲丸

一婦人帶病皆由中土虧損帶脈不能收引以致十二經
脈因而內陷也宜六君子湯加炮薑以補脾甚者以補
中益氣湯以提之或以椿根皮黃栢牡蠣粉醋糊爲丸
間服以瀝之

傷寒

傷寒以六經爲主太陽陽明少陽爲三陽太陰
少陰厥陰爲三陰病症百出無常總範圍於六

時方妙用

卷之四

傷寒

左

經之內仲景所以爲萬世師也昔人謂三百九十七法而不知其字字皆法也謂一百一十三方而不知一方可該數方不必如許之多方外有方不備如是之少也余治雜病亦隨俗採取時古唯於傷寒一門非此方不能以治對病非此藥不可以名此方不敢少有遷就茲挈其要領先爲人門之導再授以仲景書便知有下手工夫矣

太陽爲寒水之經
主一身之表

何謂太陽經症曰頭痛項強發熱惡寒是也

一脈緩自汗惡風爲虛邪宜桂枝湯○如八九日過經不解如瘧狀面熱身痒以其不得小汗故也宜桂枝麻黃各半湯因前此未汗不得不發其汗因日數頗久故小

發其汗○如服桂枝湯大汗後形如瘧日再發者以餘邪未盡故也宜桂枝一麻黃一湯大汗之後不得再行
一 大汗之法而餘邪未盡不可不從汗而謁之但藥品宜輕耳脈浮緊無汗惡寒爲實邪宜麻黃湯○如無汗煩躁者加石膏薑棗名大青龍湯○如乾嘔而咳去杏仁加五味子乾薑半夏細辛芍藥名爲小青龍湯此三湯
一 卽麻黃湯之加減昔人以麻黃湯大青龍湯桂枝湯分
一 三大綱何其謬歟

按此二法治表中之表也○時法冬月以加味香蘇飲

代土二方三時感冒以九味羌活湯代上二方與作景
法不甚合然好尚如斯亦無可奈何耳

何謂太陽腑症曰表邪不去必入於裏膀胱爲表中之裏

也有蓄水蓄血之辨

一太陽症其人口渴煩躁不得眠脈浮小便不利水入卽

吐爲膀胱蓄水症宜五苓散

一太陽症其人如狂小腹硬滿小便自利脈沉爲膀胱蓄

血症古用抵當湯丸今宜桃仁承氣湯

按此二法治表中之裏也

何謂太陽變症曰汗下失宜從陰從陽之不一也

一不應下而下之續得下利清穀身疼痛宜四逆湯以救清穀之裏又以桂枝湯以救身疼痛之表

一病發熱頭痛脈反沉若不差身體疼痛當救其裏宜四

逆湯

一大汗大下利而厥冷者四逆湯主之

太陽病發汗太過遂漏不止其人惡風小便難四肢微急難以屈伸桂枝附子湯主之

太陽病發汗太過動其營血而衛邪反內伏其人仍發熱

心下悸痛眩身瞶動振振欲擗地者

少陰症誤用大真
青龍湯同例

武湯主之

已上言汗下太過傷正而虛其陽陽虛則從少陰陰化
之症多以太陽少陰爲表裏也

一陽盛於內誤服桂枝湯大汗出後大煩十渴不解脈洪
大者白虎加人參湯主之

一傷寒若吐若下後七八日不解熱結在裏表裏俱熱時

時惡風大渴舌上乾燥而煩欲飲水數升者白虎加人

參湯主之

一傷寒不大便六七日為裏症頭痛有熱為表外不解由

於內不通也下之裏和而表自解矣與承氣湯

一病人煩熱汗出則解又加瘧狀曰晡所發熱屬陽明也

脈實者宜下之與大承氣湯脈虛者宜發汗與桂枝湯

一發汗後惡寒者皆虛是也不惡寒但熱者實也當和胃

氣與調胃承氣湯

一太陽病未解脈陰陽俱停停者沉滯不起也先振慄汗

出乃解但陽脈微者先汗而解但陰脈微者下之而解

若欲下之宜調胃承氣湯脈微不可汗下此微字即上交停字也

時方妙用

傷寒

九

已上言汗下失宜熱熾而傷其陰陰傷則從陽明陽化之症多以太陽陽明遞相傳也

何謂發汗利水爲治太陽禹大門曰邪傷太陽病在寒水之經也驅其水氣以外出則爲汗逐其水氣以下出後爲黃涎蓄水前爲小便長

太陽爲寒水之經邪之初傷必須發汗麻黃湯發皮膚之汗桂枝湯發經絡之汗葛根湯發肌肉之汗小青龍湯發心下之汗大青龍湯發其內擾胃中之陽氣而爲汗此發汗之五法也若汗之而不能盡者則爲水水在

心下乾嘔而咳宜小青龍湯發熱而煩渴欲飲水水入
卽吐名曰水逆宜五苓散汗後心下痞硬乾噫食臭脇
下有水氣腹中雷鳴下利者病勢雖在腹中而病根猶
在心下宜生薑瀉心湯此水氣在上焦在上者汗而散
之也若妄下之後自心上至小腹硬滿而痛不可近水與
氣所結脈遲名大結胸宜大陷胸湯若項亦強如柔症之
狀宜大陷胸丸程郊倩謂病勢連甚於下者主以湯病
勢連甚於上者主以丸是也若其結止在心下按之始
痛脈浮滑名小結胸邪氣尙在脈絡宜小陷胸湯若無

熱症名寒實結胸宜三物白散若心下痞硬滿引脇下
痛乾嘔短氣汗出不惡寒三焦升降之氣阻格難通宜
十棗湯此水氣在中焦中滿瀉之於內也若頭痛項強
翕翕發熱無汗心下滿微痛小便不利者因膀胱之水
不行營衛不調不能作汗宜以桂枝去桂加茯苓白朮
湯治之是水氣在下焦在下者引而竭之是也

陽明

主裏外候肌
肉內候胃中

何謂陽明經症曰身熱目痛鼻乾不得眠反惡熱是也
有未罷太陽已罷太陽之辨

若兼見頭痛惡寒是太陽症未罷自汗脈緩宜桂枝湯
項背几几者桂枝加葛根湯主之無汗脈浮宜麻黃湯
項背几几者葛根湯主之

若無頭痛惡寒但見壯熱口渴是已罷太陽爲陽明經
之本症宜白虎湯主之

何謂陽明腑症曰潮熱譫語手足腋下濇然汗出腹滿大
便硬是也有太陽陽明少陽陽明正陽明之辨

本太陽症治之失法亡其津液致太陽之熱乘胃燥而
轉屬陽明其症小便數大便硬傷寒論謂之脾約宜麻

仁湯陽明

本少陽病治之失法亡其津液致少陽之邪乘胃燥而

轉屬陽明為大便結燥傷寒論謂為大便難以蜜煎膽

汁導之已上少陽陽明

病人陽氣素盛或有宿食外邪傳入遂歸於胃燥傷寒

論謂為胃家實宜以三承氣湯下之已上正陽陽明

愚按陽明在經未離太陽宜汗之既離太陽宜清之若

在腑審其輕重下之若在經腑之界汗之不可清之不

可下之不可宜用吐法柯韻伯云除胃實症其餘如虛

熱咽乾口乾口苦舌胎腹滿煩燥不得臥消渴而小便不利凡在胃之外者悉是陽明表症仲景製汗劑是開太陽表邪之出路製■劑是引陽明表邪之出路當以梔子豉湯吐之使心腹之濁邪上出於口一吐則心腹得舒表裏之煩熱悉除矣煩熱既除則胃外清自不致胃中之實所以爲陽明解表之聖劑

少陽

主半表半裏

何謂少陽經症曰口苦咽乾目眩是也有虛大實火之辨寒熱往來於外胸脇若滿默默不欲食心煩喜嘔爲虛

時方妙用

傷寒

三

火症宜小柴胡湯

寒熱往來於外心中痞硬鬱鬱微煩嘔不止爲實火症
宜大柴胡湯

何謂少陽腑症曰少陽主寒熱屬於半表則爲經屬於半
裏則爲腑其症雖無寒熱往來於外而有寒熱相搏於中
有痞痛利嘔四症之辨

因嘔而痞不痛者半夏瀉心湯

胸中有熱而欲嘔胃中有邪氣而腹中痛宜黃連湯

邪已入裏則膽火下攻於脾而自利宜黃芩湯膽火上

逆於胃而爲嘔宜黃芩加半夏生薑湯

已上四方寒熱攻補並用仍不離少陽和解法

傳經發明

按宋元以後醫書皆謂邪從三陽傳入俱是熱症唯存下
之一法論中四逆自通理中等方俱爲直中立法何以謂
之直中謂不從三陽傳入徑入三陰之臟惟有瀉之一法
凡傳經俱爲熱症寒邪有直中而無傳經數百年來相沿
之說也余向亦深信其然及臨症之火則以爲不然直中
二字傷寒論雖無明文而直中之病則有之有初病卽見

三陰寒症者卽宜大溫之有初病卽見三陰熱症者卽宜
大涼之大下之是寒熱俱有直中世謂直中皆爲寒症者
非也有謂遞次傳入三陰盡無寒症者亦非也蓋寒熱二
氣盛則從化余揆其故則有二一從病體而分一從誤藥
而變何則人之形有厚薄氣有盛衰臟有寒熱所受之邪
每從其人之臟氣而爲熱化寒化今試嘗之於酒酒取諸
水泉寒物也酒釀以麴蘖又熱物也陽臟之人過飲之不
覺其寒第覺其熱熱性迅發則吐血面瘡諸熱症作矣陰
臟之人過飲之不覺其熱但覺其寒寒性凝滯則停飲腹

脹泄瀉諸寒症作矣知此愈知寒熱之化山病人之體而
分也何謂誤藥而變凡汗下失宜過之則傷正而虛其陽
不及則熱熾而傷其陰虛其陽則從少陰陰化之症多以
太陽少陰相表裏也傷其陰則從陽明陽化之症以太陽
陽明遞相傳也所謂寒化熱化由誤治而變者此也至云
寒邪不相傳更爲不經之說仲景云下利腹脹滿身宜疼
痛者先溫其裏月攻其表溫裏宜四逆湯攻表宜桂枝湯
此三陽陽邪傳入三陰邪從陰化之寒症也如少陰症下
利自通湯至之此太陰寒邪傳入少陰寒症也如下利

清穀裏寒外熱汗出而厥者通脈四逆湯主之此少陰寒

邪傳入厥陰之寒症也誰謂陰不相傳無陽從陰化之理乎

太陰為濕土純陰之臟也病入太陰從陰化者多從陽化者少

何謂太陰之邪從陰化傷寒論云腹滿吐食自利不渴手

足自溫時腹自痛是也宜理中湯凡主之不愈宜四逆輩

何謂太陰之邪從陽化傷寒論云發汗復不解腹痛急一

之宜大承氣湯是也又曰腹滿時痛屬太陰也時痛者謂腹

時痛桂枝加大黃人便堅時止桂枝加芍藥湯主之實而痛桂枝加大黃

湯主之

少陰

腎中水火同具邪傷其經或從水化而為寒或從火化而為熱一症俱以脈沉細但欲寐為提

綱

何謂少陰之邪從水化而為寒曰脈沉細而微但欲寐背惡寒口中和腹痛下利清穀小便白是也宜用回陽法而回陽中首重在溫劑又有交陰陽微發汗共成三法

少陰病寒邪始傷是當無熱而反發熱為太陽之標陽外呈脈沉為少陰之生氣不升恐陰陽內外不相接故以熟附助太陽之表陽而內合於少陰麻辛啓少陰之水陰而外合於太陽仲景麻黃附子細辛湯非發汗法

迺交陰陽法

已上交陰陽法

少陰病自始得以至於二三日俱無裏症可知太陽之表熱非汗不解而又恐傷汗以傷腎液另出加減法取中焦水穀之津而爲汗則內不傷陰邪從表解矣仲景麻黃附子甘草湯變陰陽法而爲微微發汗法

已上微發汗法

手足厥冷吐利小便復利下利清穀內寒外熱脈微欲絕者宜四逆湯

裏寒外熱面赤或腹痛或乾嘔或咽痛利止脈不出汗
出而厥宜通脈四逆湯

少陰下利宜白通湯利不止厥逆無脈乾嘔煩白通加
豬膽汁湯主之服藥後脈暴出者死微續者生

汗下後不解煩躁者茯苓四逆湯主之

少陰病二三日不已至四五日腹痛小便不利四肢沉

重疼痛自下則此爲水氣

欲小便利下利嘔四
以有或無因症下藥

宜真武

湯

少陰病得之二三日口中和其背寒者

太陽之陽虛不
與少陰之君火

相當炎之○又身體痛君火之氣不能充達於四肢骨節痛君火之神機不

能遊行脈沈者君火之神機不一為陰虛責在少陰之君火內虛神

以出人脈沈者能自下而上皆以附子湯主之

虛陽虛其一悟此理否皆以附子湯主之

少陰病吐利神機不能交手足逆冷中土氣虛不煩躁

欲死者少陰神機拔寒而逆於經脈心脈不能下吳茱

黃湯主之
已上用溫劑法

何謂少陰之邪從火化而為熱曰脈沉細而數仍欲寐而

內煩外躁或不臥口中熱下利清水小便赤是也宜用救

陰法而救陰中又有補正攻邪之異

少陰病二三日咽痛者可與甘草湯不差與桔梗湯

少陰病咽中傷生瘡不能言謂聲不出者苦酒湯主之

少陰病咽中痛半夏散及湯主之

少陰病下利咽痛胸滿心煩者猪虛湯主之

少陰病得之二三日以上心中煩不得臥黃連阿膠湯

主之

少陰病下利六七日咳而嘔渴心煩不得眠者朱苓湯

主之

少陰病二三日至四五日腹痛小便不利下利便膿血
桃花湯主之

已上皆以補正爲救陰法

少陰病得之二三日口燥舌乾者急下之宜大承氣湯
柯桂云熱至於內因而轉屬陽明胃火上炎故口燥舌
乾急下之穀氣下流津液得升矣

少陰病六七日腹脹不大便者急下之宜大承氣湯柯
注云得病六七日當解不解津液枯涸因轉屬陽明故
腹脹不大便宜於急下者六七日來陰虛已極恐土實

於中心腎不交而死也

少陰病自利清水色純青心下必痛口乾燥者急下之

宜大承氣湯柯注云是上焦火炎脾氣不濡胃氣反厚

水去而穀不去故宜急下

已上皆以攻邪為救陰法

厥陰

為風木之臟從熱化者多從寒化者少以木中有火故也

何謂厥陰症傷寒論云厥陰之為病消渴水盛氣上撞心

氣逆即心中疼熱火邪饑火能而不欲食火熾食則吐蚘

蟲為火化一聞食臭則上人手膈而吐下之利不止誤下是也柯注云兩陰

時方妙用

傷寒

三

文註名厥陰宜無熱症然厥陰主肝而膽藏於內則厥陰
熱症皆少陽之火內發也要知少陽厥陰同一相火相火
鬱於內是厥陰病相火出於表爲少陽病少陽咽乾卽厥
陰消渴之機胸脇若滿卽氣上衝心之兆心煩卽疼痛之
初不欲食是饑不欲食之根喜嘔卽吐蚘之漸故少陽不
解轉屬厥陰爲病危厥陰病衰轉屬少陽爲欲愈

一烏梅丸爲厥陰症之總方吐蚘久痢尤佳

一病初起手足厥冷脈微欲絕宜當歸四逆湯有久寒加
生薑吳茱萸酒各半煎以相火寄於肝經雖寒而曠

不寒故先厥者後必發熱手足愈冷肝膽愈熱故云厥

深熱亦深也薑附不可妄投

脈結脈緩時亦止目結代一臟氣敗其脈動而中止心活人云陰盛則結代不能自還而他臟代之

動悸心氣不寧炙甘草湯主之愚按他經亦有此症是陽氣

大虛虛極生寒非薑附肉桂不為功若用此藥是速其

化也惟厥陰症肝中之相火本少陽之生氣而少陽實

出坎宮之真陰即經所謂陽子之正陰為之主是也

按前言表症而手足厥逆此言裏症而脈結代雖為厥

陰寒化終不用薑附大熱之品以厥陰之臟相火遊行

於其間故也雖

脈微欲絕不可下若脈滑而厥是內熱鬱閉所謂厥應
下之是也下之是下其熱非下其實泄利下重者四逆
散欲飲水數升者白虎湯皆所以下無形之邪也若以
承氣下之利不止矣

一熱利下重者白頭翁湯主之○下利欲飲水者熱也白
頭翁湯主之

以上治熱化之法

一厥者必發熱熱與厥相應熱深厥亦深熱微厥亦微此

四症是厥陰傷寒之定局先熱後厥厥熱往來厥多熱少熱多厥少此四症是厥陰傷寒之變局皆因其人陽氣多少而然

一乘脾乘肺二症宜辨一日傷寒腹滿

經云諸腹脹大皆屬于熱此由肝火

也譫語

經云肝氣盛則多言

寸口脈浮而紫

即弦脈

此肝乘脾也名

曰縱刺期門

曰傷寒發熱嗇嗇惡寒

肺正皮毛此症因無頭痛項強

知其非太陽病為肺虛

渴欲飲水

無白虎症而欲飲知為肺虛

腹滿

無季氣症而腹滿知

肺虛不能通調水道

此肝乘肺也

肺金虛不能制木肺寫於畏倚所不能勝也

名曰橫

刺期門

肝有立火隨其瀉而瀉之

時方妙用

傷寒

七

一傷寒陽脈濇陰脈弦法當腹中急痛此亦肝乘肝也先與小建

中湯平肝以補脾不差者中氣虛而不振邪尚流連與小柴胡湯主之木合

邪直走少陽使有出路所謂陰出之陽則愈也

一傷寒厥而心下悸者宜先治水當服茯苓甘草湯却治

其厥不爾水清入胃必作利也柯注云此亦肝乘肺也

雖不發熱惡寒亦木實金虛水氣不利所致上節腹滿

是水在中焦故刺期門以泄其實此水在上焦故用茯苓

苓甘草以發其汗此方是化水為汗發散內邪之劑即

厥陰治厥之劑也

太陽方

桂枝湯

桂枝

芍藥

各三錢

甘草

二錢炙

生薑

三錢切片

大棗

四枚

水二杯煎八分温服服後少頃欬粥一杯以助藥力温覆微似汗若一服病止不必再服若病重者一日夜作

三服

麻黃湯

麻黃

三錢去根節

桂枝

二錢

杏仁

去皮尖二十三枚

甘草

一錢

水三杯先煮麻黃至二杯吹去上沫納諸藥煎八分温

時方妙用

傷寒

服不須歛粥餘將息如前法

大青龍湯

麻黃六錢去根節

桂枝二錢

甘草二錢

杏仁去皮尖十二枚

生薑三錢切片

大棗四枚

石膏碎以棉裹四錢五分

水四杯先煮麻黃至二杯半去上沫納諸藥再煎八分

溫服溫覆取微似汗汗出多者以溫粉撲之白木燬牡蠣龍骨碎

末若汗多亡陽者以真武湯救之

小青龍湯

麻黃去根節

白芍

乾薑不炒

甘草

桂枝各二錢 半夏三錢 五味子一錢 細辛八分

水三杯半先煮麻黃至二杯半去沫納諸藥煎八分溫

服○若渴者去半夏加栝樓根二錢○若噎者去麻黃

加附子一錢五分○小便不利小腹痛滿去麻黃加茯苓四錢

○若喘者去麻黃加杏仁二十一枚○按論云若微利

者去麻黃加芫花今芫花不常用時法用茯苓四錢代

之即猪苓澤瀉亦可代也但行道入膏於方後註明

桂枝三麻黃湯合麻黃湯二錢

桂枝麻黃各半湯合麻黃湯二錢

時方妙用

按近傳傷寒論有分兩理宜兩湯各煎聽用如各半湯
則各取其半而合服之知二一湯則取桂枝湯二分麻
黃湯一分合而服之猶水陸之師各有節制兩軍相爲
表裏異道夾攻之義後人等其分兩合爲一方與葛根
青龍輩何異

五苓散

澤瀉

一兩
六株

猪苓

茯苓

白朮

各十
八株桂枝五錢

共爲末以米飲和服三錢五分日三服多飲煖水以出

注

抵當湯

水蛭熬

蝨蟲去翅足熬

大黃二錢 桃仁七箇

水一杯半煎七分服不下再服

桃仁承氣湯

桃仁十六粒 去皮尖

大黃四錢

甘草

桂枝

各二錢 芒硝二錢

水二杯煎八分去滓入芒硝煎微沸溫服

四逆湯

真武湯

俱見下

桂枝加附子湯

白虎加人參

湯即白虎湯加人參一錢

調胃承氣湯

大承氣湯

即見下

生薑瀉心湯

時方妙用

傷寒

卷

生薑 一錢

炙草

人參

黃芩 各一錢五分

半夏 一錢

乾薑

黃連 各五分

水煎服

大陷胸湯

大黃 一錢

芒硝 一錢

甘遂 各三分

水一杯先煮大黃至六分去滓入芒硝煮三沸內甘遂

未服得快勿再服

大陷胸丸

大黃 四錢

葶藶子 熬

芒硝

杏仁

各一錢五分

搗爲丸如彈子大每用一九入甘遂末三分白蜜半匙

水一杯煎半杯溫服一宿乃下如不下更服以下為度

小陷胸湯

黃連一錢 半夏二錢 瓜樓實二錢

水一杯半先煮瓜樓至一杯入二味再煎至七分服微

下黃涎

三物白散

桔梗 貝母 各四錢 巴豆 一分 心蒸黑

共為末以白飲和服一錢一分麤者七分病在膈上必

吐在膈下必利不利進熱粥一杯利不止進冷粥一杯

時方妙用

傷寒

三

上棗湯

芫花

熬

凡中遂

大戟

各等分

異篩秤末合和之水二杯半煮大棗十枚至七分去滓
強人納藥末七八分羸人五六分平日服若下少病不
除明日更服加三分利後糜粥自養

桂枝去桂加茯苓白朮湯

芍藥

生薑

茯苓

白朮

各三錢

炙草

二錢

大棗

四枚

水煎溫服小便利則愈

陽明方

桂枝加葛根湯

卽桂枝湯加葛根四錢

水三杯半先煮葛根至二杯半吹去沫入諸藥煎至八分溫服不須啜粥

葛根湯

葛根 四錢

麻黃 三錢

生薑 三錢

甘草 二錢

桂枝 二錢

芍藥 四枚

白芍 二錢

水三鍾半先煮麻黃葛根至二鍾去沫入諸藥至八分

溫服微似汗不須啜粥

時方妙用

傷寒

三

梔子鼓湯

梔子 七枚 生用

香鼓 三錢

水三鍾先煮梔子至一鍾半入香鼓煮七分溫服一服

得吐不用再服

葛根加半夏湯 即葛根湯加半夏二錢

白虎湯

石膏 八錢 綿裹 知母 三錢

炙草 一錢

粳米 四錢

水三杯煎一杯服

麻仁丸

麻仁另研芍藥 枳實炒厚朴各五兩杏仁五兩半六黃一斤

煉蜜丸如梧子大米飲送下丸漸加以知母為度約九分兩

照脾約九

煎蜜導方

蜜一松於銅器內煮如飴狀取紙捲作挺子以線札之以蜜厚包之如指許長三寸微熟納入穀道以手急抱欲大便時乃去之○時法譙此皂角末

猪膽汁導方

猪膽一枚和醋少許以竹管灌入穀道中如一食頃當

時方妙用

傷寒

量

大便出宿食惡物甚效

調胃承氣湯

大黃 四錢 清酒潤

炙草 二錢

芒硝 三錢

水二杯半先煮大黃甘草取一杯去滓入芒硝微煮令沸少少溫服之

小承氣湯

大黃 四錢

厚朴

枳實 各三錢

水二杯煎八分服初服當更衣不爾者再煮服若更衣分服

大承氣湯

大黃

二錢 酒潤

厚朴

四錢

枳實

芒硝

名二錢

水三杯先煮枳實厚朴至一杯半去滓納大黃煮一杯

去滓納芒硝微火煮一二沸服得下勿再服

少陽方

小柴胡湯

柴胡

四錢

人參

黃芩

炙草

生薑

各二錢五分

半夏

二錢

大棗

二枚

水三鍾煎一鍾半去滓再煎八分溫服一日夜作三服

時方妙用

傷寒

寒

胸中夏而不嘔者去半夏人參加括樓二錢○渴者去
半夏加人參七分括樓根二錢○腹中痛者去黃芩加
芍藥一錢半○脇下痞鞭去大棗加牡蠣二錢○心下
悸小便不利者去黃芩加茯苓二錢○不渴外有微熱
者去人參加桂枝一錢五分溫服取微似汗愈○欬者
去人參大棗生薑加五味子一錢乾薑一錢半

大柴胡湯

柴胡

四錢

半夏

二錢

黃芩

芍藥

枳實

各錢

生薑

二錢

大棗

二枚

枳實

各錢

生薑

二錢

五分

一本有大黃五分

水三鍾煎八分溫服一日夜作三服

半夏瀉心湯

半夏 二錢

黃芩

乾薑

炙草

人參 各一錢五分

黃連 五分

大棗 二枚

水三杯煎一杯半去滓再煎八分溫服

黃連湯

黃連

炙草

乾薑

桂枝 各一錢五分

人參 一錢

半夏 二錢

大棗 二粒

水二杯煎七分温服

黃芩湯

黃芩 三錢

炙草

芍藥 各二錢

大棗 二枚

水煎服日二夜一服

黃芩加半夏生薑湯

即前方加半夏二錢生薑三錢

太陰方

理中丸湯

人參

白朮

甘草

乾薑

各三兩

共研末蜜丸如雞子黃大研碎以沸湯服一丸日三四服服後啜熱粥以腹熱爲度或用各三錢水二鐘煎入分溫服服後啜熱粥○若臍上築者去朮加桂○吐多者去朮加生薑二錢下多者還用朮○悸者加茯苓渴欲飲水者加朮○腹痛加人參○寒者加乾薑○腹滿者去朮加附子○服湯後如食頃飲熱粥微自溫勿揭衣破

桂枝加芍藥湯

桂枝

生薑

各三錢

大棗

四枚

芍藥

六錢

炙草

二錢

水三杯煎一杯服

桂枝加大黃湯

桂枝

生薑

芍藥

炙草

大黃

各三錢

六錢

二錢

七分

大棗

四枚

水三杯煎八分服

少陰方

麻黃附子細辛湯

麻黃

去節

細辛

各三錢

附子

一錢五分

水三鍾先煮麻黃至二鐘去沫入諸藥煎七分溫服○

接近醫惑於細辛用不過一錢之邪說余亦難以力挽

之此方只用一錢

麻黃附子甘草湯

麻黃去節 甘草各三錢

附子一錢五分

煎法同上

真武湯

茯苓 芍藥 生薑各二錢 白朮二錢 附子一錢

水三鍾煎八分温服

四逆湯

甘草四錢 乾薑三錢 附子二錢

生用

水三鍾煎八分温服。乾薑再加三錢各通脈四逆湯

時方妙用

傷寒

三

卷四
○加茯苓六錢人參一錢名茯苓四逆湯

白通湯

乾薑 三錢 附子 三錢 生用 葱白 二根 水二鐘煎八分溫服

○加猪膽汁一湯匙人尿半湯匙名白通加猪膽汁湯

附子湯

附子 二錢 茯苓 三錢 人參 二錢 白朮 四錢 芍藥 二錢

水二鐘煎八分溫服

吳茱萸湯

吳茱萸 湯三錢 人參 一錢 大棗 四枚 生薑 六錢 水煎服

甘草湯

甘草 二錢

水三鐘煎一鐘分兩次服

甘草桔梗湯

甘草 六錢

桔梗 二錢

水三鐘煎一鐘半分三服

苦酒湯

半夏 一枚生的 雞子 一枚
破十四斤 去青

內半夏着苦酒中以雞子殼置刀環中安火上令三沸

去滓少少含嚥之不瘥再作三服

猪膚湯

時方妙用

傷寒

卷七

猪膚 四兩

水六杯煎三杯去滓加白蜜半盞米粉三

錢熬香分三服

半夏散及湯

半夏

桂枝

炙草

各等分爲末白飲和服二錢日三服不能服散者用水一杯煮七沸入散三錢更煮三沸少冷少少嚥之

黃連阿膠雞子黃湯

黃連

四錢

黃芩

一錢

芍藥

三錢

阿膠

三錢

雞子黃

一枚

水三杯煎二杯去滓入膠烺盡小冷入雞子黃攪合相

得温服一日三服

桃花湯

赤石脂

八錢留一錢研末

乾薑 五分

粳米 四錢

水三杯煎八分入石脂末一錢調服日作三服

大承氣湯

見陽明

猪苓湯

猪苓

茯苓

澤瀉

滑石

阿膠

各三錢

水二杯先煮四味至一杯去滓入膠煎服

厥陰方

時方妙用

傷寒

烏梅丸

烏梅

九十枚 細辛 六錢

乾薑

二兩 當歸 四錢

黃連

一一六錢

附子

六錢

蜀椒

四錢

桂枝

人參

黃蘗

各六錢

各另研末合篩之以苦酒浸烏梅一宿去核飯土蒸之
搗成泥入煉蜜共搗干下丸如梧子大先飯食白飲服
十九日三服漸加至二十九

當歸四逆湯

當歸 三錢

桂枝

白芍

各二錢

甘草

炙

木通

各一錢五分

細辛 一錢

紅棗

五個

水三杯煎八分温服。寒氣盛者加吳茱萸生薑各二老黃酒半盃同煎服

白頭翁湯

白頭翁一錢

黃連

黃蘗

秦皮各一錢五分

水五鐘煎八分温服

灸甘草湯

灸草二錢

桂枝

生薑各一錢五分

人參一錢

火麻仁

麥門冬各二錢

阿膠各二錢

大棗四枚

水酒各半煎

四逆湯

時方妙用

傷寒

皇

炙草

枳實

柴胡

芍藥

各等分

研末白飲和服二錢日三服。欬者加五味子乾薑各五分并主下利。悸者加桂枝五分。小便不利者加茯苓五分。腹中痛者加炮附子。泄利下重者先以水五杯煮薤白取三杯去滓入藥末三錢煮取一杯半分溫再服。

白虎湯 見陽

小建中湯

芍藥 六錢

桂枝

生薑

各三錢

炙草

二錢

大棗

四枚

水三杯煎一杯去滓入飴糖四錢烱温服

茯苓甘草湯

茯苓

桂枝各二錢

炙甘草一錢

生薑三錢

水二杯煎一杯服

時方妙用卷之四終

時方妙用

傷寒